

tammi

manmaan ku kumakunü tammi. paira noo po'ucipiin cina ia, usu'un
kee tammi. masini noo marisauvu cu una kumakarangu tammi tamna sauvu
ia. 'apaco'e 'esi nanu? tia pa ku mukusa 'inia pu'a. noo nikumunü cu ia,
macangcangaru cu cupungu.

'una ucani taniara. 'una tamu marangu rovuü na tanasa mia.
mataatua 'esi kim kuca'ania. pasiun cina maku“ tupurua arakukunu kimia
kumakunü”. makacang ku mara takupin mataa 'arating. matikoru uru
musu'u pa na takupin urucin tammi moovua 'inia. cu'uruun kee maamia
takupin. monangu 'inia ka'anü matu'usu 'arating. arakicacu cina kesoni:
“nimikia nanu?” marivari misee. “ka'anü ku manmaan kumakunü tammi”
misee marivari.

makaasia 'apu'iaru cu tamu marangu iisua tumatuturu: “miaa tati'ingi
pa ia muru'inasu siacuvuru meesua. 'akia vaantuku siapu'a vura. noo 'unain
cau 'esi pareekava kumakoru tammi ia, marivivini kim kipapa
maramu tinainia sua tammi, singsingiun mia po'ucipi kumunü. sii paira
kumakunü. cucuru muruvuaru cu kumakunü tammi. matarava cu masini.
paira noo cumacu'ura tammi. pacupungun cu miaa tati'ingi tamna

siacuvuru.”

tumatimana tamu marangu tamna kari. 'itumuru cu pacupunga maku.
niaramanungu cu siacuvuru cau masini. 'una cu macakuaru mataa
karananana kukunua. nakai maraa ka'anü cu kita masakun. koo
pacupungu, 'una pa cau cucumeni 'esi muru'inasu cumacuvuru. cucuru! tia
kita masakun nikurua masini, macarai mataa muranu sua 'esi
muru'inasu cau.

(文章大意 僅供參考) ※字數限 200 字

地瓜

我喜歡吃地瓜，媽媽煮飯時常放地瓜。一位長者來家裡拜訪，我們請他一起用餐。飯裡放了兩塊地瓜，長者沒有動筷子，媽媽就問：「怎麼了嗎？」長者說：「我不喜歡吃地瓜」。長輩說：「小時候生活清苦，沒有錢買米，有人採收地瓜時，我們會跟在後頭撿被丟棄地瓜，因為太常吃地瓜，已經厭倦了。」。

聽到長輩說的話，讓我感觸甚多。現在的生活改善很多，但是我們不懂珍惜。我們要珍惜所擁有的，並且要去幫助有困難的人。